

Öreigar og kúgaðar þjóðir heims sameinist!

Stéttabaráttan



Ert þú
áskrifandi
að viku-
blaði
verkafólks?

Mál gagn Kommúnistaflokks Íslands/Marxista-Lenínista

28. tbl.

Þriðjudagur 28. ágúst 1979

8. árgangur

verð kr. 150.

Verkfall grafíska sveinafélagsins

Grafíska Sveinafélagið stefnir að verkfalli frá og með byrjun september.

Grafíska Sveinafélagið hefur líkt og önnur almenn verkalyðs-félög haft lausa samninga í tæpt ár eða frá 1. desember sl.

Forysta ASÍ framlengdi þá upp á sitt eindæmi samningana til 1. des. n.k. gegn sk. félagslegum umbótum ríkisstjórnarinnar, sem hafa reynst orðin tóm.

Að sögn manns í Grafíska Sveinafélaginu eru líkur til að verkfallið verði langt og strangt. Útgefendur dagblaða og bóka-útgefendur muni líklega dansa eftir pípu Þorsteins Pálssonar

og annarra forstöðumanna atvinnurekenda sem hafa tekið upp óvenju ósvífna stefnu.

Verkfall félagsins mun stöðva alla bóka og dagblaðaútgáfu og verður einmitt nú, þegar undirbúningur jólabókanna er að hefjast.

Hvað gerir forysta ASÍ?

Það sem af er þessu ári hefur forysta ASÍ beitt afli sínu til að koma í veg fyrir árangur af baráttu ýmissa stéttarféлага fyrir bættari kjörum.

Förystan hefur í raun og veru sett sig á móti öllum kauphækkunum launþegafélaganna.

Það er því eðlilegt að þess sé spurt hver verði viðbrögð ASÍ forystunnar.

Ef að líkum lætur mun hún enn sem fyrr skipa sér í sveit með Þorsteini Pálssyni og kumpánum hans.

Þennan möguleika verður Grafíska Sveinafélagið að skoða.

Styðjum verkfallið.

Þetta verkfall er fyllilega réttmætt. Samningar hafa verið lausir í 9 mánuði. Röckstuðningurinn fyrir framlengingu samningana var að ríkisstjórn-

in vildi frið til að kveða niður verðbólguna. Bak við þennan röckstuðning grillir í þá fölsku kenningu að verkalyðurinn sé verðbólguvaldurinn.

Þróun mála síðustu mánuða hefur afsannað þessa kenningu endanlega.

Þær litlu kauphækkningar sem orðið hafa á tímabilinu eru allar afleiðingar vöruhækkanna þannig að laun hafa alls ekki átt þátt í að valda verðbólgunni.

Samt sem áður æðir verðbólgan áfram og líkur benda til að hún verði meiri en nokkru sinni.

Það er því tími til kominn

að launþegar rísi til verndar hagsmunum sínum.

Grafíska Sveinafélagið ríður á vaðið að þessu sinni og árangur þess er mikið kominn undir stuðningi annarra launþega við verfallið.

Þetta er ekki einkabarátta Grafíska Sveinafélagsins. Þetta er baráttan sem ætti að vera öðrum launþegum fordæmi. Þetta er baráttan gegn verkalyðsfjandsamlegri stefnu ríkisstjórnarinnar og hinnar svk. verkalyðsforystu og atvinnurekenda.

Bréf til EIK (m-l)

Þetta bréf er svar frá Framkvæmdanefnd Kommúnistaflokksins við tillögum Eik(m-l) um framhald könnunarviðræðnanna sem stóðu yfir í vor.

Í þessu bréfi ítrekar KFÍ/ML afstöðu sína til ýmissa mála sem upp komu í viðræðunum.

Einnig er þarna svarað tillögum Eik(m-l) um stofnun sérstakra viðræðunefnda sem geri upp ágreiningsefni flokksins og Eik(m-l).

TIL FÉLAGA EIK(M-L)

Félagar:

Við höfum móttekið bréf ykkar

frá 7. 6. 1979 og rætt innihald þess. Þótt bréf ykkar sé í 7 liðum, fjallar það allt um eitt og sama málið, nefnilega ágreining okkar um forsögu KFÍ/ML og kröfu okkar um að Eik(m-l) viðurkenni að flokkurinn sé marx-lenínísk samtök og setji sér þá stefnu, að vinna að sameiningu beggja samtakanna. Óf langt mál yrði að elta ólar við sérhvert atriði, sem tekið er til í bréfi þessu og raunar vandséð að það myndi ryðja hindrunum úr vegi sameiningarinnar. Þó



21. ágúst:

**INNDRÁS
MÓT
MÆLT**

SJÁ BAKSÍÐU

Frá mótmælalaaðgerðum herstöðvaandstæðinga 21. ágúst s.l. fyrir utan sovéska sendiráðið.

PLO í sókn

Frelissamtök Palestínumanæ (PLO) hafa nú að undanförmunnið hyrn sigurinn á fætur öðrum á sviði alþjóða stjórnmála og viðurkenninga. Það líður varla sá dagur að ekki heyrst í fréttum sagt frá nýjum viðurkenningum eða yfirlýsingum þekktra stjórnmalamanna þar sem réttindi Palestínumanna til sjálfsákvörðunar og heimalands er viðurkenndur og PLO lýst eini löglegi fulltrúi þeirra. Mesta athygli þessara fréttu hafa vakið yfirlýsingar Andrew Young sendiherra USA hjá Sameinuðu þjóðunum og viðræður tveggja helstu leiðtoga Alþjóðasambands sósíaldemókrata við Yasser Arafat í Vínarborg 6. - 8. júlí.

Bruno Kreisky kanslari Austurríkis bauð Yasser Arafat til viðræðna við sig og Willy Brandt til þess að fræðast af honum um palestínuvandamálið og ræða stöðu mála í löndunum fyrir botni Miðjarðarhafsins. Kreisky er varaformaður Alþjóðasambands sósíaldemókrata

og einnig formaður nefndar sem sambandið skipaði til þess að komast að hinu sanna í deilum Palestínumanna og Ísraelsríkis. Willy Brandt er formaður Alþjóðasambands sósíaldemókrata Kreisky hefur áður ásamt fleiri nefndarmönnum farið til Ísrael og margra arabaríkja til að kynna sér deilur araba og Ísraels. Arafat var fagnað sem þjóðhöfðingja er hann kom á flugvöllinn í Vín og meðan á heimsókninni stóð hélt Kreisky kvöldverðarboð honum til heiðurs. Þar mættu meðal annara þeir Willy Brandt og Olof Palme auk fjölda sendiherra. Í lok viðræðnanna var haldinn blaðamannafundur og gefin út sameiginleg yfirlýsing. Þar kom fram að viðræðurnar hefðu verið gagnlegar og mikilvægar og þeir Brandt og Kreisky lýstu vonum sínum um að geta hitt Arafat aftur síðar og treyst samband sitt við PLO. Báðir lýstu þeir viðurkenningu sinni á rétti Palestínumanna til að stofna eigið ríki og að PLO væri eini löglegi fulltrúi þeirra.

frh. á síðu 3.



Frá Vínarfundinum: Á myndinni má meðal annarra sjá Arafat leiðtoga PLO Kreisky kanslara Austurríkis og Willy Brandt leiðtoga vestur-þýskra jafnaðarmanna.

LEIÐARI

Alþýðubandalagið, Þjóðviljinn og ríkisstjórnin

Það er dálítið erfitt að henda reiður á afstöðu Alþýðubandalagsins til sumra mála þessa dagana og hefur raunar verið allt frá því núverandi ríkisstjórn var mynduð. Alþýðubandalagið virðist nefnilega hafa skipst í nokkra parta sem ómögulega geta komið sér saman. Að minnsta kosti ekki í veigamiklum málum.

Nýjasta dæmið um þetta er vaxtahækkun bankastjóranna, sem eru nú orðnir meiri vaxtaokrarar en dæmi þekkjast til. Ráðherrapartur Alþýðubandalagsins stóð að því í ríkisstjórninni að veita bankastjórunum þessa heimild. En Þjóðviljapartur Alþýðubandalagsins gagnrýnir þessa hækkun.

Stéttabaráttan getur að vísu tekið undir með Þjóðviljapartinum að þessi hækkun er gagnrýnisverð. En Stéttabaráttan getur ekki tekið undir með Þjóðviljaparti Alþýðubandalagsins að bankastjórnir einir beri ábyrgð á hækkuninni. Ríkisstjórnin og þar með talinn ráðherrapartur Alþýðubandalagsins bauð bankastjórunum til þessarar veislu. Það sem Þjóðviljaparturinn vill er að banna veislugestunum að bragða á réttunum.

Ráðherraparturinn er greinilega miklu gestrisnari en Þjóðviljaparturinn. Honum er til dæmis hjartanlega sama þótt ameríski herinn gisti hérna, sem Þjóðviljaparturinn vel að merkja virðist enn þá vera á móti.

Á sama hátt er ráðherraparti Alþýðubandalagsins alveg sama þótt hér séu þrjú olúfélög, milli tíu og tuttugu tryggingarfélag og nokkur hundruð heildsalar. Þetta eru allt boðsgestir ráðherrapartsins.

Og það eru ekki slorlegar veitingar sem gestirnir fá. Þeir fá orðalaust umbeðnar hækkanir á vöru og þjónustu, þök á vísitölu, bráðabirgðalög gegn verkföllum og lög um stöðvun kauphækkana.

Þetta eru bestu atvinnurekendamáltíðir í heimi sem ráðherraparturinn trakterar gesti sína á. Enda eru gestirnir feitir og pattaralegir og kunna varla lengur að barma sér sem þeir hafa þó verið leiknir í fram að þessu.

Einn gestur er þó sem ekki fær sæti við veisluborðið. Það er launþeginn.

Hann verður að láta sér nægja smáanarlega prósentuhækkun sem fer ekki nálægt því að vega upp á móti vöruverðshækkunum í viðbit fær hann svo bráðabirgðalög sem frysta kaupðið og banna verkföll og félagsmálapakka sem í er nákvæmlega ekkert

Og hverjir matreiða þennan kost?

Ásamt atvinnurekendum eru það ráðherrarnir og útvaldir verkálýðsforingjar. Það er þetta sem kallað var "samráð við aðila vinnumarkaðarins".

Frétt aflutningur ríkisútvarpsins

Nýlega var gerð herforingjabylting í Miðbaugs-Gíneu. Það teljast varla markverð tíðindi þótt herforingjar geri hallarbyltingar í ríkjum þriðja heimsins. Fréttir ríkisútvarpsins af þessum aðburði verða þó að teljast til tíðinda.

Þannig var fyrst frá því sagt að herforingjabyltingin hefði verið gerð gegn forseta ríkisins sem talinn var illræmdur harðstjóri, jafnvel verri en Idi Amin. Þar var einnig sagt að forsetinn hefði fallið. Daginn eftir kom síðan í ljós að hann varðist enn þá auk þess sem það upplýstist að ríkisstjórn Spánar hafi vitað af undirbúningi byltingarinnar. Ríkið er fyrrverandi nýlenda Spánar og komst hinn illa þokkaði forseti til valda er spánverjar yfirgáfu landið.

Svona atriði má ef til vill skrifa á reikning erlendra fréttastofa og segja sem svo að fréttastofa útvarpsins hafi þeirra vegna ónógar upplýsingar.

Ef þetta væru einu tíðindin af þessum frétt aflutningi þá væri útvarpið með hreinan skjöld en því er ekki að heilsa.

Hér skal ekki lagður dómur á það hve ógnarlegur harðstjóri forsetinn fyrrverandi er, til þess skortir okkur upplýsingar. Frásagnir útvarps eru með ólíkindum. Forsetinn á að hafa drepið eða hrakið úr landi 250.000 manns. Í sjálfu sér er þetta ekkert óskapleg tala nema þegar þess er gætt að íbúar landsins voru aðeins 324.000 fyrir þremur til fjórum árum. Það eru því aðeins rúmlega 70.000 íbúar eftir.

Það sér hvert barn að hér er um rangar tölur að ræða.

Bréf til EIK (m-l)

eru nokkur atriði, sem við viljum leggja áherslu á og reyna að skýra frekar.

1) Í síðasta bréfi sínu bauðst KFÍ/ML til að ræða eitt af þremur ágreiningsefnum sem könnunarviðræðurnar höfðu ekki fyllilega markað, nefnilega álit flokksins á verkefnum flokksins og flokksbyggingarinnar. Þar sem þetta er hvergi nefnt í bréfi ykkar, ítrekum við þetta tilboð enn.

2) Við teljum að könnunarviðræðurnar hafi leitt í ljós, að meira þurfi að vinna með spurninguna um stéttgreininguna en þeir fundir fjögurra manna geta framkvæmt. Álit okkar er að gera þurfi rannsóknir í þessu efni og að öllum félögum beggja aðila verði gert kleyft að ræða þessi mál og vinna að rannsókn þess. Þess vegna höfnuðum við tillögum ykkar um framhaldsumræður um þetta mál á lokuðum fundi fárra manna.

3) Þriðja atriðið er greinilega það sem máli skiptir að ykkar mati og þar sem þið getið ekki fellt ykkur við afstöðu okkar, með hliðsjón af bréfi ykkar, teljum við að full þörf sé á frekari útskýringum á afstöðu okkar ef það mætti verða til þess að efla baráttuna fyrir sameiningu.

Kommúnistaflokkurinn hefur frá stofnun sinni haft skýra afstöðu til þess hvort Eik(m-l) séu marx-lenínísk samtök eða ekki. Einnig hefur afstaða hans til baráttumála á öllum sviðum verið ljós og óbreytt. Breyting á afstöðu okkar hefur verið gerð í spurningunni um mat á því hvort KSML hafi staðið á grundvelli marxismans-lenínismans eða ekki. Eins og fram hefur komið teljum við nú, að gagnrýni Eik(m-l) á afstöðu flokksins til þessa máls hafi verið rétt og í samræmi við þær niðurstöður sem fráfarandi miðstjórn KSML setti fram á 11 þingi samtakanna í apríl 1976. Af þessum sökum höfum við rætt og endurmetið afstöðu okkar og skilgreint stöðu KSML og KFÍ/ML frá upphafi. Niðurstaðan er ykkur kunn. Að okkar mati voru KSML við stofnun ekki marxísk-lenínísk samtök, en fyrir baráttu marxistalenínista innan þeirra voru yfirtök endurskoðunarstefnu yfirunnio í árslok 1974 og síðan höfðu marx-lenínistar öll ráð í stefnu og starfi samtakanna. Með tilliti til þess að stofnun KSML markaði upphafið að tilurð fyrstu marxísku-lenínísku samtakanna á Íslandi síðan KFÍ var allur, hlýtur stofnun þeirra að teljast framfarasinnað, þrátt fyrir ranga afstöðu og stefnu í byrjun. Enda börðust marxistar lenínistar innan samtakanna allan tímann gegn henni og úthýstu henni að lokum.

Eik(m-l) hafa óljósa afstöðu til þess hvort KFÍ/ML er marxískur-lenínískur eða ekki. Þau hafa stundum talið flokkinn endurskoðunarsinnaðan, stundum haft afstöðu sem er svo loðin að hún er hvorki fugl né fiskur. Eik(m-l) hafa haft óljósa og ranga afstöðu til flestra baráttumála og eru nú að gera upp við vinstri-hentistefnu, kreddefestu og einangrunarstefnu innan sinna raða. En Eik(m-l) hafa ekki enn rætt nægilega, skilgreint eða breytt afstöðu sinni til ofangreindra mála. Í bréfi ykkar "Álit Eik(m-l) á viðræðunum við KFÍ/ML" frá 15. maí segir orðrétt: "Eik(m-l) standa nú í verulegri leiðréttingu á villum "vinstri"einangrunarstefnu og kreddefestu og munu þau gera niðurstöður opinberar í sumar.

Þar tengist inn í meðferð Eik(m-l) á ágreiningsefnum við KFÍ/

ML."

Samkvæmt þessu er von á breyttir afstöðu Eik(m-l) til ágreiningsins við KFÍ/ML. Enn hafa engar niðurstöður komið fram, svo okkur er ókleyft að meta hver afstaða Eik(m-l) er í þessu máli. Í bréfi ykkar 7. 6. segir einnig: "Afstaða okkar til KFÍ/ML er enn þessi: KFÍ/ML eru samtök sem ekki hafa að fullu leiðrétt ranga hentistefnu og sumpart endurskoðunarsinnað afstöðu. Marx-lenínisminn kennir Mao Zedongs hafa unnið jafnt og þétt á og við teljum að KFÍ/ML hafi til að bera eigindi til að standa að öllu leyti á grunni hans. KFÍ/ML er ekki kommúnistaflokkur." Þessi skilgreining stangast á við fyrri yfir lýsingar Eik(m-l) og er nýtilkom in í okkar augum. En Eik(m-l) lýsir því jafnframt yfir að von sé á að þessari afstöðu verði breytt. Í framhaldi af þessum orðum segir svo: "Það er undir KFÍ/ML komið hvort hann vill



vinna að því að Eik(m-l) breyti þessari greiningu. Til þess er fullur vilji og raunar mjög mikil eining og samstaða með samtökunum."

Af framansögðu er það ljóst, að Eik(m-l) telja sig þurfa að breyta afstöðu senni til KFÍ/ML og ber að fagna því. En jafnframt lýsið þið því yfir, að KFÍ/ML verði að "vinna að því að Eik(m-l) breyti þessari skilgreiningu" - og það þrátt fyrir að fullur vilji sé til þess innan samtaða ykkar. Við álitum það alls ekki hlutverk okkar að breyta afstöðu Eik(m-l) og teljum að slík breyting eigi að vera niðurstaða víðtækra og lýðræðislega umræðna innan samtaða ykkar, en ekki verk utanaðkomandi samtaða. Sem sjálfstæð samtök hljóta Eik(m-l) að kjósa að móta eða breyta stefnu sinni í samræmi við vllja félaga sinna, en ekki fyrir tilstilli annara sjálfstæðra samtaða. Og ef það er rétt sem segið í bréfi ykkar, að fullur vilji sé til þessarar breytingar, fáum við ekki skilið, hvað hindrar ykkur í því að gera hana. Við gagnrýnum ykkur fyrir þær sífelldu stefnubreytingar og afstöðuleysi sem einkenna málflutning ykkar í flestum málum og hvetjum ykkur til að taka afstöðu af eigin rammleik. Við getum ekki veitt ykkur neina aðstoð í þessu máli aðra en þá, sem fram hefur verið sett af okkar hálfu í bréfaskiptum okkar og birt hafa verið í Stéttabaráttunni. Við teljum að réttara sé að þið ræðið þá gagnrýni sem við höfum sett fram á starf ykkar og stefnu, en að fámennar umræðunefndir verði látnar móta breytta afstöðu samtaða ykkar.

Það sem að ofan er sagt um stefnubreytingar og afstöðuleysi ykkar, kemur berlegast í ljós í afstöðu ykkar til eðlis könnunarviðræðna og því að þið hlaupist undan yfirlýstum loforðum og reynið að skýla ykkur bak við orðhengilshátt. Það var ákveðið á fyrsta fundi afstaðinna könnunarviðræðna að beiðni KFÍ/ML, að umræðurnar yrðu einvörðungu til að kanna eða

marka einingu og óeiningu samtakanna. (sbr. svar KFÍ/ML við tilboði Eik(m-l) um könnunarviðræðurnar.) Frá okkar hálfu var það allan tímann ljóst, að verkefni viðræðunefndarinnar væri ekki að leysa áreiningsefnin, heldur að afmarka þau og setja fram til umræðna innan beggja samtakanna. Og þið samþykktuð þessa beiðni okkar. Það er því haldlitið að hlaupast undan þeirri ábyrgð, sem þið hafið sjálf kallað að höfði ykkar. Af þessum sökum ítrekum við enn þá kröfu okkar, að Eik(m-l) standi við gefin orð og endurmeti afstöðu sína til KFÍ/ML. Að okkar mati er það eðlilegt að slíkt sé gert að loknum umræðum og jafnvel á þingi, en að sjálfsögðu getum við ekki krafist þess að þið fylgið slíkum starfsháttum þótt okkur sýnist þeir vera þeir einu sem samboðnir eru lýðræðislegu miðstjórnarvaldi. Og í ljósi þeirra orða ykkar, að slíkar umræður eigi sér einmitt stað innan samtaða ykkar og að uppgjör við ranga afstöðu sé í vændum í sumar, getum við ekki betur séð en farsælást sé að þið ljúkið umræðum ykkar og dragið niðurstöðurnar af þeim. Að því búnu ætti stefna Eik(m-l) að vera skýrari og afstaða að hafa komið fram til þeirra mála sem eru á umræðustigi í dag. Það er ekki vegna

þess að við óskum eftir því að viðræður samtakanna verði stöðvar, sem við leggjum til að þing verði haldin og Eik(m-l) lýsi því yfir að KFÍ/ML sé marxísk-lenínísk samtök, heldur vegna þess að við getum ekki fest hendur á neinni afstöðu í málflutning ykkar og erum þar af leiðandi ófær um að meta hver afstaða ykkar raunverulega er. Meðan slíkt ástand varir getum við ekki séð að umræður leiði til árangurs. Frá okkar bæjardyrum séð standa málin svo, að við höfum fastmótað afstöðu til sameiningarmálanna, en breyting er í vændum á afstöðu ykkar. Þegar sú breyting hefur verið gerð, teljum við að kanna beri aftur málin með frekari viðræðum í huga og sameiningu, ef Eik(m-l) uppfylla skilyrði þau sem við höfum sett. Við berum fulla virðingu fyrir tillögum ykkar og afstöðu til framkvæmda sameiningarviðræðna, og við ætlumst til þess að þið hafið samskonar afstöðu til þeirra tillagna sem við höfum sett fram. Við stöndum frammi fyrir því að hvorugur aðili telur sig geta fallið frá tillögum sínum að óbreyttu máli eða fallist á tillögum hins. En samkvæmt yfirlýsingu ykkar mun þetta ástand ekki haldast lengi, því von er á breyttri afstöðu ykkar eftir að uppgjórið við vinstri-einangrunarstefnuna og kreddefestuna hefur farið fram. Af þeim sökum álitum við rétt að bíða þessarar breytingar og aðgæta þá, hvort grundvöllur sé fyrir frekari viðræðum um skipulagningu og gang sameiningarviðræðna og sameiningar samtakanna. Til þess að af sameiningu geti orðið þarf afstaða Eik(m-l) að breytast og þið segið að fullur vilji sé fyrir breytingu í þá átt sem þið teljið vera "æskilegust og bestu niðurstöðuna". Því eru félagar KFÍ/ML bjartsýnir á að viðræðurnar um sameiningu samtakanna muni taka stökk fram á við, þegar Eik(m-l) hafa leyst innri vandamál sín og leitt baráttuna gegn vinstri-villunum til lykta.

Til baráttu fyrir sameiningu íslenskra marxista-lenínista. Gjört í Reykjavík 19. 6. 1979.

Khomeni leggur til atlögu við þjóðina

Eftir fall Íranskeisara hafa nýjar andstæður skapast í Íran og áttök magnast milli andstæðinga hans innbyrðis. Stefna stjórnar trúarleiðtogans Ayatollah Khomenis mætir sí vaxandi gagnrýni innanlands sem utan.

Fólksfjöldinn í Íran fylgist vandlega með stjórn þeirra Khomenis og Basargans. Enn hefur ríkisstjórnin ekki uppfyllt, svo neinu nemi, neitt af loforðum sínum né að hún stefni að þeim markmiðum sem fólkið barðist fyrir af mikilli fórnfýsi

Khomeni keisari

Fyrir febrúarbyltinguna var ljóst að hugmyndafræðilegur ágreiningur milli vinstrimanna og múhameðstrúarmanna myndi leiða til uppgjors. Byltingin leiddi af sér bráðabirgðastjórn þjóðlegra borgarastéttarinnar (Basargan og Þjóðarfylkingin), bandaríkjaleppa (Baktiar og herinn) og smáborgarastéttarinnar Khomeni og byltingardómstólar hans). Baktiar hrökklaðist frá völdum og áhrif Khomenis urðu afgerandi. M.a. er hann orðinn æðsti yfirmaður hersins sem hann beitir nú án miskunnar gegn hverjum andstæðingi sínum til að þvinga fram vilja sinn og hinnar afturhaldssömu islömsku trúar og Kóranins.

Kvenhatur Khomenis

Framsækin ýmynd Khomenis breyttist þegar í andstöðu sína strax eftir byltingu. Sérstaklega bar á afturhaldssömu skoðunum hans gagnvart konum og baráttu þeirra fyrir jafnrétti kynjanna. Khomeni boðaði 1. mars að konur skyldu klæðast að islömskum hætti, kynin skyldu aðskiljast í menntastofnunum o.s.frv. Þetta varð til þess að um 100.000 konur á samt fjölda karla fóru í mót mælagöngu í Teheran 8. mars, berhöfðaðar í snjóstormi og í trássí við yfirvöld. Mótmælin þennan alþjóðlega baráttudag verkakvenna voru skipulögð af nýstofnaðri Baráttuhreyfingu kvenna í Íran og marxistum-lenínistum. Þá höfðu ekki farið fram aðgerðir þennan dag í landinu í 30 ár. Mótmæli kvenna í Teheran breiddust út til tuga þúsunda kvenna í borgunum Rasht, Abadan, Sanandaj, Tabris o.fl. þar sem farnar voru kröfugöngur 10. mars. Og þá hljómaði "Niður með Khomeni" og "Niður með einræðið".

Þjóðernismismunur

Í Íran búa mismunandi kynþættir og þjóðir, sem tala sitt hvert tungumálið og hafa hver sína menningu. Kúgaðir þjóðernisminnihlutar hafa löngum barist gegn harðræði keisaraveldisins og þeir áttu drjúgan þátt í að steypa keisaranum af

stóli. Yfirvöld í landinu hafa alið á sundrunu og ríga á milli hinna einstöku hópa en það hefur aftur auðveldað þeim yfirstjórnina. Af þessari þjóðernisstefnu keisarans nýtur Khomeni góðs í dag.

Aðal tungumálin sem töluð eru í Íran eru farzi, azari, kurdiska, balouchi, iori og arabíska. Farsi-mælandi fólk (Persar) er fjölmennast. Það lifir í suður, norðaustur og miðju Íran og telur um 55% þjóðarinnar. Næstir eru Azarbaijanir þeir telja um 20% og lifa í norðvestrinu. Kurdar og Lorar í vestur Íran telja 10% og Balouchar í suðaustrinu 10%



Myndin sýnir kröfugöngu 100.000 karla og kvenna í Teheran, 8. mars s.l. alþjóðlegs

baráttudags verkakvenna. Armenarnir, Tyrkir og arabar telja 5% og lifa í norðvestur, norðaustur og suðvestur af Íran. Upphaflegu ábyrðingur í Íran eru Persar og þeir hafa ávallt verið í meirihluta. Keisararíkið hefur því ætíð talið það sér stjórnsmálalega sterkast að höfða til þeirra sér til stuðnings og gegn öðrum þjóðarflokkum. Þannig hafa þjóðernisminni - hlutar verið kúgaðir og arðræntir um aldir. Reynt hefur verið að uppræta þá með því að banna tungumál þeirra og menningu en þeir hafa staðist slíkar árássir og jafnan barist fyrir sjálfstjórn og frelsi. Margir úr hópi þessara minnihluta hafa verið teknir af lífi fyrir skoðanir sínar þ.á.m. Kurdar sem stillt var upp fyrir aftöku-sveit keisarans fyrrverandi í kúrdistan. Nú hafa Kurdar orðið að taka upp vopn gegn yfirgangsssemi Khomenis, rétt eins og keisarans.

Byltingin heldur áfram

Sú bylting sem gerð var í febrúar er langt frá því að vera fullkomin. Hún var ekki bylting verkalýðsins þó hann tæki fullan þátt í henni. Réttindi fjöldans eru enn fótum troðin og því heldur baráttan áfram.

Stjórn trúarleiðtogans hefur skert gróflega almenn mannréttindi svo sem ríðsfrelsi, málfrelsi og skoðanafrelsi. Hún hefur farið með stríði á hendur fyrrverandi samherjum sínum, Kúrdum. Hún hefur ekki, eins og stefnt var að, þjóðnýtt fyrirtæki sem skyldi, né afhent smábændum land stórbændanna sem þeir vinna hjá. Svik núverandi ráðamanna við stefnu byltingarinnar eru augljós. En byltingunni er heldur ekki lokið, hún er aðeins nýhafin.

Ríkisstjórnin á mjög erfitt með að leita ásjár erlendra aðila og fá þá efnahagslegu, pólitísku og hernaðarlegu aðstoð

Fjöldamorð þessi leiddu til gífurlegra mótmæla í landinu, verkföll blossuðu upp og farnar voru miljöna manna mótmælagöngur. Barist var á götum úti og víða brytjaði keisarahrinn niður mannfjöldann með vélbyssuskothríð svo þúsundum skipti. Ísraelskir hermenn tóku þátt í þessum fjöldamannvígum keisarahrinsins. 19. ágúst er minnst í Íran undir nafninu Blóðugi laugardagurinn.

8. sept. varð mikil mótmæla- og baráttualda í Íran. Þá í höfuðborginni Teheran einni á sk. Píslarvottatorgi (sem áður hét Jalehtorg) voru vegnir 10. ■

sem hún þarf á að halda til að viðhalda því fasíska stjórnskipulagi sem hún hefur komið á. Til þess er andstaða fjöldans við erlenda íhlutun of sterk og hann myndi varla þola henni slíkt.

Það er líklegt að stórtíðinda sé að vænta frá Íran á næstunni. Þó er erfitt að meta áreiðanleika þeirra fréttanna sem þaðan berast vegna ritskoðunar stjórnarinnar og að hún hefur rekið sér óþægilega fréttamenn úr landi.

(Byggt á Information Iran útgefið af Stuðningshreyfingu Íran-skrar alþýðu í Kanada og Revolution málgaðni Byltingarsinn-aða Kommúnistaflokksins í USA)


1 ár frá fjöldamorðunum.

19. ágúst s.l. var eitt ár liðið frá hinni grimmdarlegu fjöldabrennu í Rex kvikmyndahúsinu í olíuborginni Abadan. Þá lét leynilögregla keisarans SAVAK um 750 manns brenna til bana og fleiri voru drepnir með skothríð og barsmíð.



L'Ayatollah Sadegh Khalkali.

Bandaríkjanna í Víetnam. Þessir menn skoða rússnesku heimsvaldastefnuna einungis sem ögrun við hagsmuni "hins vestræna lýðræðis" eins og þeir kalla bandarísku heimsvaldastefnuna.



...í Stuttu máli

Flóttinn frá Víetnam.

Það er kaldhæðnislegt þegar rætt er um flóttamannavanda, þá eru flóttamennirnir taldir vera vandamálið. Þetta ógæfusa fólkið sem hefur verið hrakið frá heimalöndum sínum er hins vegar augljóslega ekki vandamálið, heldur þær aðstæður og þau öfl sem hrekja það á flótt.

Undanfarna mánuði hefur mest verið rætt um flóttafólk frá Víetnam.

Fulltrúar Víetnama á ráðstefnu S.Þ. um þetta mál lofuðu að draga úr flóttamannastraumnum á næstunni. Frá því ráðstefnunni lauk hefur dregið verulega úr flóttamannastraumnum, sem sýnir ljóslega að víetnömsk yfirvöld stjórna þessum "flótt". Þetta mætti því ef til vill fremur kalla skipulagða fólksflutninga úr landinu. Flóttafólkið er flest af kínverskum uppruna sem bendir til þess að um kynþáttaofsóknir sé að ræða.

Nýlega bárust þær fréttir að hátt settur embættismaður frá Víetnam, Varaforsæti þjóðþingsins, hefði flúið til Kína. Það er því geinilega um að ræða einhverja baráttu í Víetnam gegn stefnu valdhafanna.

PLO í sókn

Framhald af forsíðu

Kreisky hefur að minnsta kosti tvisvar áður hitt Arafat og þeir hafa oft skipst á skilaboðum. Kreisky hefur einnig

verið mjög gagnrýnnir í garð Ísraelskra yfirvalda og í blaðaviðtali í september á síðasta ári lýsti hann Begin sem pólitískum hrossakaupmanni sem stjórnaði lögregluríki. Þeir Kreisky og Brandt voru báðir ötulir baráttumenn gegn nasism-anum á sínum tíma og neyddust til að flýja land undan sporhundum Hitlers.

Yfirlýsingar Andrew Young

um deilurnar í Mið-Austurlöndum hafa að vonum vakið mikla athygli. Young hefur nú á síðustu vikum hvað eftir annað lýst því yfir að það sé tómt mál að tala um frið í Mið-Austurlöndum á meðan PLO séu sniðgengir og réttindi Palestínarabanna troð in í svaðið. Afstaða Young er þegar farin að hafa áhrif á ýmis samtök í Bandaríkjunum og víst er að í framtíðinni munu verða hörð átök meðal stjórnsmálanna í Bandaríkjunum um þetta mál. Má jafnvel ætla að afstaða í þessu máli geti haft áhrif á það hver verður kjörinn næsti forseti landsins.

Heimdallur og Tékkóslóvakía

Stjórn Heimdallar, félagsungra íhaldsmanna, hefur látið frá sér fara litla ályktun um aðgerðir Samtaka Herstöðvandiandstæðinga 21. ágúst.

Stjórnin segir aðgerðirnar hafa verið "falskar" vegna þess að krafan Ísland úr Nato herinn burt var borinn í göngunni. Stjórnin segir að með þessu sé verið að "telja almenningi trú um að tékknesk alþýða hagnist á að herinn fari heðan og Ísland segi sig úr Nato".

Síðan segir að stjórnin styðji alla fordæmingu á framferði Varsjárbandalagsins í Tékkóslóvakíu.

Í þessari ályktun er gefið í skyn að eina vígð dagsins hafi verið Ísland úr Nato herinn burt. Litlu íhaldsmennirnir eru með öðrum orðum að reyna að viðhalda rússagrýlunni sem feður þeirra bjuggu til og gera því skóna að SHA hafi engan áhuga á mótmælum gegn innrásinni í Tékkóslóvakíu.

Stefna SHA er sú að öll hernaðarbandalög séu til að undiroka og kúga þjóðir og SHA berjast gegn allri heimsvaldastefnu. Þetta er fullkómlega heiðarleg afstaða.

Sama er ekki hægt að segja um stefnu unga Heimdallaríhaldsins. Þeirra mótmæli gegn rússneskri kúgun í Tékkóslóvakíu er sprottin af hundflatri tryggð þeirra við bandaríska heimsvaldahagsmunum. Þetta eru mennirnir sem studdu stríð

Askriptargjöld 1979

VENJULEG ÁSKRIFT : KR. 5000.-

BAKÁTTU ÁSKRIFT : KR. 7000.-

TIL ÚTLANDA : KR. 13000.-

TIL ÖRYRKJA OG ELLILÍFEYRISPEGA : KR. 500.-



Öreigar og kúgaðar þjóðir heims sameinist!
Stéttabaráttan
Útg: Kommúnistaflokkur Íslands m-l.
28. tbl. 8. árg. 28/8 1979



STÉTTABARÁTTAN
-kemur út vikulega-
Sími: 27810.
Gíró: 27810-6.

Abyrgðarm: Sigurður
Ingi Andrússon.

Hjálmtýr Heiðdal
Box
121 H

Frá farandverkafólki

Fréttatilkynning frá farand-
verkafólki

Farandverkafólk í Vestmanna-
eyjum boðaði til fundar í Alþýðu
húsinu í Vestmannaeyjum þann
7. júlí s.l. um málefni sín og
tengsl við verkalyðshreyfinguna.
Til þessa fundar var einnig boð-
ið fulltrúum frá verkalyðsfél-
ögunum í Vestmannaeyjum.

Fundinn sóttu u.þ.b. 40 mannr
frá öllum helstu vinnustöðum í
Eyjum og urðu miklar og fjór-
ugar umræður fundarmanna um
málefni sín.

Aðal mál fundarinnar voru hús-
næðismál og aðbúnaður á ver-
búðum, ferðamál og fæðiskostna-
ður, auk tengsla farandverka-
fólks við stéttarfélagin á hverj-
um stað.

Í umræðum um húsnaðismál
og aðbúnað á verbúðum voru
fundarmenn sammála um að
mikilla úrbóta væri þörf hvað
varðar hreinlætisáðstöðu. Einn-
ig kom fram hjá fundarmönnum
að eldvörnum var mjög ábóta-
vant í mörgum verbúðum og
mætti jafn vel nefna sumar ver-
búðir dauðagildirur, ef til elds-
voða kæmi.

Fundarmenn voru einhuga um
að ferðakostnað til og frá ver-
stöð ætti að greiða af viðkom-
andi atvinnurekenda og var bent
á margar hliðstæður í ýmsum
samningum því til sönnunar.
Einnig kom fram sú skoðun, að
farandverkafólki væri séð fyrir
ókeypis ferðum til heimabyggð-
ar sinnar á eins til tveggja mán
aða fresti.

Krafa fundarinnar var að sjálf-
sögðu frítt fæði fyrir alla, en
fram kom á fundinum að fullt
fæði í mötuneytum frystihúsum
í Vestmannaeyjum kostaði nú á
mánuði kr. 123.600 og stæði
til að hækka. En þau útgjöld
ein eru 62% af mánaðarlaunum

verkafólks í fiskvinnu. Var
bent á ýmsar hliðstæður, s.s.
kröfu sjómanna um frítt fæði og
vinnu við stóriðju- og virkjunar-
framkvæmdir.

Fundarmenn beindu mörgum
spurningum til fulltrúa verka-
lyðsfélaganna varðandi þessi
mál og var það álit fulltrúa
stéttarfélaganna, að þessi fund-
ur og kröfur þær, sem hann
beindi til verkalyðshreyfingar-
innar ættu fullan rétt á sér og
löngu væri orðið tímabært að
réttindi farandverkafólks væru
betur tryggð af hálfu hreyfing-
arinnar.


Á fundinum var mikið rætt um
samskipti farandverkafólks og
verkalyðsfélaganna og kom þar
margt fróðlegt í ljós. M.a.
voru á fundinum reyfaðar hug-
myndir um rammisamning ASÍ
fyrir farandverkafólk, þar sem
því væri gert kleyft að afla sér
og viðhalda sömu réttindum og
fullgildir meðlimir hinna al-
mennu stéttarféлага njóta.

Á fundinum var einnig rætt um
naðsyn þess að efla samskipti
farandverkafólks og verkalyðs-
félaganna og kom fram sú skoð-
un, að frumforsenda fyrir því
að þessi tengsl yrðu sem best,
væri að verkalyðsfélagin á hver-
um stað fengju í sínar hendur
full umráð yfir atvinnumiðlun
og ekki væri unnt að ráða fólk í
vinnu án samráðs við þá vinnu-
miðlun.

Bent var á, að oft væru brotn-
ir samningar á aðkomufólki, en
auðvelt ætti að vera að koma í
veg fyrir slíkt, með því að fólk
hefði beint samband við verka-
lyðsfélagin strax við ráðningu
og félagið gæti því haldið sam-
bandi við viðkomandi aðila.

Fundurinn samþykkt eftirfar-
andi ályktun:

Fundur farandverkafólks í
Vestmannaeyjum, haldinn í Al-



Einu opnanlegu gluggarnir í ver-
búðum Vinnslustöðvarinnar h/í
eru með rimlum fyrir.



Frá fundi farandsverkafólks í Vestmannaeyjum. Þorlákur Kristinsson í ræðustól.

þýðuhúsinu 7. júlí 1979 samþyk-
kir eftirfarandi:

Verkalyðshreyfingunni ber al-
gjör skylda til þess að sjá um að
kjör farandverkafólks í fiskiðn-
aði til sjós og lands séu ekki lak-
ari en kjör annara stétta, eins
og nú er raunin. Við teljum að
allt of lengi hafi hagsmunamál
okkar legið á láginni og atvinnu-
rekendur fengið að ráðskast með
þau að eigin geðþótta. Þetta
verður ekki lengur þolað og far-
andverkafólk krefst sömu rétt-
inda og annað verkafólk. En sér-
staða farandverkafólks takmark-
ar mjög allar aðstæður þess til
að fylgja málum sínum eftir.
Þess vegna treystum við á sjálf-
sagðan stuðning allrar verkalyðs
hreyfingarinnar í baráttunni
fyrir hagsmunamálum okkar.

Við gerum þá kröfu til ASÍ og
VMSÍ að þessi samtök verkafólks
taki nú þegar upp eftirfarandi
kröfur okkar og fylgi þeim fast
eftir:

- Að húsnaði það, sem ætlað
er farandverkafólki til búðar
standist ströngustu kröfur
öryggis- og heilbrigðisfyrir-
valda.
- Að kosinn verði trúnaðarmað-
ur á hverri verbúð, sem jafn
framt verði tengiliður far-
andverkafólks við viðkom-
andi stéttarfélag. Slíkum
trúnaðarmanni verði tryggð
ur sami réttur og öðrum
trúnaðarmönnum verkalyðs-
félaganna.
- Að atvinnurekendur greiði
ferðakostnað farandverka-
fólks til og frá heimabyggð
sinni. Einnig verði gert ráð
fyrir því, að farandverka-
fólki verði tryggðar ferðir
t.d. á tveggja mánaða
fresti til og frá heimabyggð
sinni, sér að kostnaðar-
lausu.
- Að farandverkafólki í fisk-
iðnaði verði séð fyrir fríu

fæði líkt og tífðkast í öðrum
atvinnugreinum þar sem
fólk vinnur fjarri heima-
byggð sinni.

Að réttindi farandverkafólks
verði tryggð til jafns við
rétt fullgildra meðlima í
stéttarfélagunum, t.d. hvað
varðar rétt til greiðslu úr
sjúkra- og styrktarsjóðum,
verkfallsbóta, atvinnuleysis
trygginga og atkvæðisrétt í
kjaradeilum. Þessu má t.d.
ná með útgáfu sérstakra

félagsskírteina, þar sem
skráður væri vinnutími og
greiðslur ásamt öðru er t
tryggingu viðkomandi umrædd
réttindi.

Fundurinn skorar á farand
verkafólk um land allt að rísa
upp og halda fundi um þessi
hagsmunamál sín. Einnig bein-
ir fundurinn því til allra verka-
lyðsféлага á landinu að láta
þessi mál til sín taka.

'Avarp miðnefndar SHA 21. águst

Forseti Sovétríkjanna
Hr. Leonid Brezhnev
c/o Sendiherra Sovétríkjanna
Garðastræti 33
101. Reykjavík, Ísland.
21. ágúst 1979

Enn á ný sjáum við Íslenskir
herstöðvaandstæðingar ástæðu
til að mótmæla því ofremdar-
ástandi sem nú ríkir í Tékkó-
slóvakíu. Nú eru liðin rétt ell-
efu ár frá innrás herja Varsjár-
bandalagsins í landið, og ávallt
síðan hefur sövéskt setulið stutt
þar í sessi leppstjórn með því
markmiði helstu að fyrirbyggja
að vorið í Prag endurtaki sig.
Það var því frelsisunnendum
mikið gleðiefni þegar andóf gegn
parlendum stjórnvöldum tók að
gera vart við sig. Af sömu á-
stæðum eru ofsóknir tékkósló-
vakískra valdhafa á hendur and-
ófsmönnum nú tilefni til hörð-
ustu mótmæla

Á þessu ári hafa tékknesk
stjórnvöld gripið til þess ráðs
að varpa tíu félögum Charta77
í fangelsi og bera á þá sakir

fyrir að ala á óánægju meðal
almennings með hið opinbera
stjórnkerfi þar í landi. Þá hef-
ur sérstök nefnd til varnar
þeim sem sæta ofsóknum orðið
að búa við takmarkað athafna-
frelsi. Auk fangelsana þá verða
félagar andspyrnuhreyfingar
Charta77 fyrir beinum árásum
og er jafnvel meinað að vinna
fyrir sér. Allar bera aðgerðir
þessar merki þess að tékkó-
slóvakísk stjórnvöld hyggjast
ganga milli bols og höfuðs á
allri andspyrnu í landinu og
fótum troða almenn mannrett-
indi og lýðræði. Íslenskir her-
stöðvaandstæðingar lýsa yfir
fullum og eindregnum stuðn-
ingi við frelsisbaráttu þá sem
Tékkar og Slóvakar heyja og
krefjast óskertra lýðrættinda
þeim til handa. Þá krefjumst
við jafnframt að þau réttarhöld
sem í hönd fara yfir félögum
Charta77 verði háð fyrir opnum
tjöldum, og "sakborningum"
tryggður réttur til að njóta
lagalegrar aðstoðar eins og

kveðið er á um í tékkneskum
lögum.

Herra forseti Sovétríkjanna.
Innrásin í Tékkóslóvakíu, valda-
ránið í Chile og umsvif Frakka
og Slóvakíu Bandaríkjanna í Víet-
nam eru skýr dæmi um hvað
getur átt sér stað þegar hags-
munir stórveida ganga í ber-
högg við hagsmuni smáþjóða. -
Með baráttu okkar gegn banda-
ríska hernum á Íslandi og aðild
að hernaðarbandalagi leggjum
við Íslenskir herstöðvaandstæð-
ingar fram okkar skerf til frels
isbaráttu smáþjóða og alþýðu
um allan heim. Á sama hátt
nýtur hreyfing okkar stuðnings
frelshreyfinga um víða veröld
Við sækjum styrk hver til ann-
ars í baráttunni fyrir sameigin-
legum markmiðum. Kröfur and
ófsmanna í Tékkóslóvakíu eiga
því mikinn hljómgrunn á Íslandi

Heri Sovétríkjanna burt ur
Tékkóslóvakíu.
Ísland úr NATO - herinn burt.
Styðjum frelsisbaráttu Tékkar
og Slóvakar.
Styðjum Charta 77.

Miðnefnd Samtaka herstöðva-
andstæðinga.
Ásmundur Ásmundsson form.



Sadat leikur trúð fyrir Bandarískt fé.

'Askript

Ég undirrit-
aður
uð óska eftir að gerast
áskrifandi að STÉTTABARÁTTUNNI.

Nafn:

Heimili:

Sendist til: STÉTTABARÁTTAN
Pósthólf 1357
121 Reykjavík